

Ho Chophola Mekhoeng ea Lefatše



SABATHA MANTSIBOEA

Bakeng sa Thuto ea Beke ena Bala:

Lipes. 119:11; Baef.6:18; Baro. 8:5, 6; Baheb. 11:1–6; 1 Marena 3:14; Ezek. 36:26, 27.

Temana ea Khopolo:

(Liproverbia 11:4, 28)

Leha Satane a hlotsoe ho Jesu, o atlehile ho rona bohle. O tla tsoela pele ho etsa joalo ha fela re sa loane ka lihlomo le matla a Molim, eo eleng fela ea fanang ka tokoloho ho lilopeng tsa lefatše lena. Ka hona, re tlameha ho beha maikutlo a rona ho Seabi sa leholimo. Davida o ne a hlokometse boleng ba 'nete bophelong bona h'a ngola, “Litaoana li ka hloka tsa lapa, empa ba batlang Jehova ha ba haelloe ke molemo leha o le mong” (Lipes. 34:10). Salemone o ile a lemoha hore bohlale le kutloisiso li molemo ho feta silivera le gauta (Liprov. 3:13, 14). Thabo ea 'nete le ho phela ka nepo ho etsahala ha re tlosa mahlo a rona ho tseo re li ruileng re sheba ho Kreste, ea re ruileng.

Tšepo ea rona ea ho phonyoha ho hoheloa ke lefatše e ho ba le likamano tsa bohlokoa tse matla le Jesu. Bekeng ena, re tla ithuta likarolo tsa likamano tseo, le kamoo ho leng bohlokoa kateng bakeng sa katleho ea rona ea semoea ho lemoha matla a ipatileng kamora mampokisi oa lefatše le ho bona bohlokoa ba Kreste e le lebaka la 'nete la ho phela.

**Ithute Thuto ea beke ena ho lokisetsa Sabbatha sa la, 27 Pherekhong.*

Likamano le Krete

Lerato la matlotlo a lefatše, le ho ba senang a mangata, e kaba ketane e matla e ropang moea lefatšeng ho e na le ho Krete. Leha e ba re se na tse ngata hakalo haho tluoa matlotlong a lefatše, takatso e tukang ea ho ba le ntho tsa lefatše e kaba thohako e kotsi eo ha e sa tliso e tla sa taolo ea Morena, e ka isang moea timelong. Satane o tseba sena, ke ka hona a sebelisang lerato la matlotlo a lefatše ho pitla ba bangata kamoo a ka khonang. Setšabelo se le seng feela sa rona ke sefe?

“Hopolang lintho tse holimo, eseng tse lefatšeng” (Bakolose 3:2, NKJV). Re etsa seo Paulosi a reng re se etse joang? (Sheba le Lipes. 119:11, Baef. 6:18.)

Temana tse ling tseo u ka li fumanang tse buuang ka seo re tlamehang ho beha likelello tsa rona ho sona ke life? (Mohlala, sheba Bafili 4:8.)

Pheko e 'ngoe qha! Ea bo lefatše, ho sa natsoe hore na bo tla ka sebopeho sefe, ke lula re inehetse ho Krete (Lipes. 34:1) hara meepa le metheo ea lefatše. Moshe “o ile a kholoa hoba sekhobo sa Krete ke monono o fetisang matlotlo a Egepeta” (Baheb. 11:26). Pele ho likamano tse ling le tse ling, Krete o tlameha ho ba ka sehloohong pele. Krete o batlana le boinehelo bo thehiloeng holima kholisaho, eseng holima lithahasello; ke hore, re tlameha ho inehela ho Krete ka baka la seo A leng sona le ka seo A re etselitseng sona, eseng ka baka la molemo o itseng oo tumelo ea rona le boinehelo ho Eena li o tlisang.

Maphelo a rona a tlameha ho patoa ho Jesu, 'me merero ea hae e tlameha ho ba merero ea rona. Boinehelo ba 'nete ke ho beha matsoho mohomeng re sa 'hetle'” (Luka 9:62). Ha re etsa boitlamo bo joalo, Jesu O-oa re phahamisa ho hlahisa bokhoni bohle ba rona. Ha re inehela ho Eena, O tla khaola ketane tsa lefatše meeng ea rona. Re tlameha ho beha maphelo a rona ho Jesu eseng ho rona; sena ke sona fela se ka kholisang ho omella ho maphelong a rona.

Nahana ka nako eo u fumaneng matlotlo a lefatše, ntho eo o neng o e batla ele ka nnete. Ho ile ha nka nako e kae hore thabo ela eo u neng u e na le eona e fele pele u khutlela morao mane hape o qala qalong hape hape?

Lefatšeng

Libibele tse fetang libillione tse tšeletseng li abiloe lefatšeng ka kakaretso, empa ke tse kae tse bonoang e le Lentsoe la Molimo o phelang? Ke tse kae tse baloang ka lipelo tse bulehileng tse batlang ho tseba 'nete? Boithuto ba Bibele bo nepahetseng bo supisa semoea sa rona tsela hape bo etsa re khone ho phunyeletsa hara lefatše la mashano le pherekano. Bibele ke tokamane e phelang e tlišitsoeng ke matla a halalelang (Baheb. 4:12), 'me ka hona e re supisa linneteng tseo re ke keng ra li fumana kae kapa kae. Bibele ke 'mapa oa tsela ea ho phela letsatsi le letsatsi, 'me e re holisa ka kelello tsa rona le ho hloekisa limelo tsa rona.

Bala Johanne 5:39, 14:6, le 20:31. Bibele, lievangeli ka kotloloho, li re fa mohloli oa tlhahiso-leseling ka Jesu. Litemana tsee tsa Johanne li reng ka Eena, 'me ke hobaneng a le bohlokoa hakale ho rona le sohle seo re se lumelang?

Re ithuta Bibele hobane ele oona mohloli oa 'Nete. Jesu ke 'Nete, ka Bibeleng re fumana Jesu joalo kaha re mo tseba ka baka la kamoo A senotsoeng kateng ka Bibeleng. Lentsoeng la Molimo mona, Testamenteng E ncha le ea Khale, re ithuta ka seo Jesu A leng sona le seo A se fihletseng bakeng sa rona. E be re ratana le eena, re nehelane ka maphelo le meea ea rona polokong ea Hae ea ka ho sa feleng. Ka ho latela le ho mamela mantsoe a Hae, joalokaha a senotsoe Lentsoeng la Hae, re ka lokoha litlamong tsa sebe le lefatše. "Ka baka leo, ekare ha mora a le lokolla, etlaba le lokolotsoe ka sebele" (Johanne 8:36).

Bala Baroma 8:5, 6. Ke sefe seo re se hlokomelisoang moo, 'me ho ithuta Lentsoe la Molimo ho ka re thusa joang ntoeng ee e khahlanong le kelello?

Lerato la lefatše, haholo-holo lerato la matlotlo a lefatše, le ka re hulela hole le Molimo habonolo haeba re sa hlokomele. Ke ka hona re tlamelang ho ipoloka Lentsoeng, le re supisang linneteng tsa ka ho sa feleng tse bohlokoa-hlokoa bophelong ba Mokreste. Lerato la lefatše haho mohla le phahamisetsang kelello boitšoarang ba semoea; empa, le nka sebaka sa litšia tsa leholimo ka ho kenya meharo, boikhabo, le litakatso. Lerato, joalokaha le bontšoa ka Bibeleng, le aha likamano ka ho re ruta bohlokoa ba ho fana ka rona ho ba bang. Ho fapana le hona, bo lefatše ke feela ho ipokelletsa ka lintho o le mong, eleng se fapaneng le se rutiloeng ke Jesu.

Bophelo ba Thapelo

“‘Me bophelo bo sa feleng, ke hore ba u tsebe uena Molimo o ’notši oa ’nete, le Jesu Kreste eo o mo romileng’” (Johanne 17:3). Haho makatse hore e be Bakreste ba lutse ba re tumelo ea bona e malebana le likamano tsa bona le Molimo. Haeba ho tseba Molimo ke “‘bophelo bo sa feleng,’” re ka fumana bophelo bono ka ho ba le likamano le Eena. Hape, ehlile, khubu ea likamano tseno ke puisano. Maobane re bone hore Molimo O buisana le rona ka Lentsoe la Hae le halalelang. E be le rona, re bua le Eena ka thapelo. Joalokaha re bone, haeba, re lokela ho beha likelello le lipelo linthong tsa leholimo ho ena le tsa lefatše lena, ha hlaka thapelo e bohlokoa. Sena ke ka hobane, ka tlhaho ea eona, thapelo e re supisa matleng a ka holimo ho lefatše. Le hona mona re tlameha ho hlokomela hobane ka nako tse ling lithapelo tsa rona e ka fela boitlatlarietso ba tlhaho ea rona e lekhonatha. Ke ka hona re tlamehang ho rapela ka ho ikokobeletsa thato ea Molimo. Lilemong tse fetileng, mosali o kile a bina mantsoe ana, “‘Oho, Morena, A k’u nthekele Mercedes-Benz?’” Ho ea ka eena, e n’e le tlhaselo eo a e etsetsang ba ratang leruo empa ba re ba na le tumelo ho Molimo. Le rona, re tlameha ho etsa bonnete ba hore hare rapela, hoo ka bo hona eleng ketso ea ho ikokobeletsa Molimo le ho shoa nthong tsa lefatše, ea hore re batlana le thato ea Molimo, eseng ea rona fela.

Bala Baheberu 11:1–6. Karolo ea bohlokoa e tlamehang ho tsoaka thapelo tsohle tsa rona ke efe? Hape, ho bolelang ho tla ho Molimo ka tumelo le ho rapela ka tumelo?

Haeba ho se tumelo e qhaelletsoeng thapelong tsa rona, ho ka ba le tumela-khoela, tumelo ea satane ea mokoabe. “Tumelo le thapelo ke mathe le leleme, ’me li lokela ho ithutoa ’moho. Thapelong ea tumelo ho na le saense e halalelang; ke saense eo e mong le e mong ea tla etsa mosebetsi oa bophelo ba hae o atlehe a tlamehang ho e utloisisa. Kreste O re, ‘Ka baka leo, ke re ho lona, se seng le se seng seo le se kopang ka thapelo, lumelang hoba le se bone, ’me se tla ba ho lona.’ Mareka 11:24. O oa hlakisa hore kopo tsa rona li tlameha ho ba malebana le thato ea Molimo; re tlameha ho kopa ntho tseo A li tšepisitseng, ’me sohle seo re se fumanang, se tlameha ho sebelisoa ho etsa thato ea Hae. Ha maemo a fihletsoe, tšepiso ha e thekesele.”—Ellen G. White, *Prayer*, leq. 57.

Sheba bophelo ba hau ba thapelo. U rapella’ng? Lithapelo tsa hau li u bolella eng ka seo eleng sa bohlokoa ho uena? Ntho tse ling tseo u tlamehang ho li rapella ke life?

Bophelo ba Bohlale

E 'ngoe ea pale tse monate-nate ka Bibeleng e fumanoa paleng ea kopo ea salomone o Molimo, ho mo fa kaholimo ho tsohle “‘U nee ke hona mohlanka oa hau, pelo e kelello ea ho ahlolela sechaba sa hao, ke tle ke tsebe ho khetha botle le bobbe. Hobane ke mang ea ka ahlolelang sechaba sa hau se se kakale?’” (1 Marena 3:9).

Ke mantsoe afe a bohlokoa ao Molimo a ileng aa bolella Salemone ao, hoja aa mamela, a ka beng a sireleitse morena khahlanong le ho oa ha 'muso oa hae hoo matlotlo a hae a mo tliselitseng hona? Ke hobaneng ha seo Molimo A se buileng moo se bohlokoa-hlokoa ho rona bohle? 1 Marena 3:14; sheba le 1 Johanne 5:3, 1 Petro. 4:17.

Salemone o ne a le bohlale haholo, empa bohlale ka bo bona, ha bo sa sebelisoe le ho pheloa, hase letho haese leseli e ntle fela. Ka kutloisiso ea Bibe e lentsoe lena, bohlale ha bo sa etsoe ha se bohlale. Ba bangata ba tla lahleha ba bile le leseli le lengata le nepahetseng malebana le Molimo le seo A se batlang. Empa ho se mamele ha Salomone ho entse hore a khelohe tseleng tseo Morena A neng a 'mitselitse tsona. E bile hamorao h'a itšela kelello, ka boikokobetso a ngola: “Hobane bohlale ke ntho ea bohlokoa ho fetisa liperela, 'me tsohle tse hlokolosi ha li na le ho bapisoa le bona” (Lipro. 8:11).

Bohlale ke ho sebelisa tsebo le kutloisiso. Tsebo e emetse liketso; kutloisiso e metse liqeto tse bohlale; 'me bohlale bo tla e le litholoana tsa ho sebelisa tsebo le kutloisiso maphelong a rona. Qhoku e bohlale ha e hloke tsebo le kutloisiso fela empa maiphihlelo a tlišoang ke ho phela tsebo le kutloisiso. Mohlala oa salemone o re bontša kamoo ho leng bonolo hore le motho ea bohlale-hlale ea nang le kutloisiso e fetang ea bohle a ka hoholoang ke mafela a bophelo ba matlotlo ebang motho eo a sa phele tsebo eo ae fuoeng.

Bapisa 1 Bakorinthe 3:19 le Liproverbia 24:13, 14. Phapang ke efe pakeng tsa mefuta e 'meli ea bohlale eo ho buuoang ka eona litemaneng tsee? Arolelana karabo ea hau le sehlopha ka Sabatha.

Moea O Halalelang

Qhoebeshano e kholo e-ea phela; mahlakore a mabeli a loanela meea ea rona. Le leng le re hulela ho Kreste (Johanne 6:44) le leng le re hulela lefatšeng (1 Johanne 2:16). Matla a Moea O Halalelang maphelong a rona a ka re hulela lehlakoreng le nepahetseng haeba re ka inehela ho Eena. “Empa etlare hobane eo a tle, eleng moea oa ’nete, o tla le tsamaisa ’neteng eohle” (Johanne 16:13; sheba le Johanne 14:16). Moea O Halalelang O re fa matla a ho phela ka boleng le ka tumelo, eseng ka maikutlo ao eleng ona a laolang lefatše. Boitukisetso bo atlehileng ba ho phela leholimong bo tla ka ho phela ka botšepahi lefatšeng lena tlasa tataiso ea Moea O Halalelang. Paulosi oa eletsa: “Hore tumelo ea lona e seke ea theoa bohlaeng ba batho, e mpe e theoe matleng a Molimo” (1 Bakor. 2:5). Ho hohela ha lefatše, hangata ka hoba le matlotlo, le re hulela hole le Morena. Khalanong le sena, haeba re sa hane, matla a Moea O Halalelang a tla re hulela ho Jesu.

Katleho ntoeng e khahlanong le lefatše le ho hohela ha lona e tla fihleloa ho tsoa ka ntle ho rona qha! Bala Ezek. 36:26, 27; Johanne 14:26; le Baef. 3:16, 17. Ha re tlohella Moea O Halalelang ho re laola, ke lintho life tseo Molimo A ka li etsang ho etsa bonnete ba hore re ba le tlhoho ea semoea?

“Ke ka lifiori le meetlo ea bohata satane a fumanang matla a hae holima kelello. Ka ho isa batho mekhoeng ea bohata, o senya semelo. Moea O Halalelang O bua le kelello ka Mangolo, ’me O tempela ’nete ka pelong. Ka mokha ona, o senola liphoso, e be o li lahlela ka ntle ho Moea. Ke ka Moea oa ’nete, o sebetsang ka Lentsoe la Molimo, Kreste A hapelang bakhethoa ba Hae ho Eena.”—Ellen G. White, *The Desire of Ages*, leq. 671.

Moea O Halalelang ke mophatlalatsi oa ’nete ’me ke mpho ea mapomela eo Jesu A ka fanang ka eona ho emela Molimo lefatšeng kamora nyolohelo ea Hae. Moea O Halalelang O loanela ho re fa matla a ho hlola lilope tse matla tsa lefatše le “mahali-hali” a lona.

Lefatše lea re hula bohle, ha ho joalo? Ke khetho life tseo u ka li etsang, hona joale, tse ka u thusang ho inehala ho Moea O Halalelang, Eena fela ea ka u fang matla a ho rakalla kahahlanong le liteko tsa lefatše?

Ho Ithuta Haholoanyane:

Qhoku e sebetsa ka metheo e 'meli ea lerato le Bosebeletsi. “Hopola hore Bosebeletsi bo na le ngoan'a bo bona, Lerato; haho e 'ngoe ntle ho tsona.”—Ellen G. White, *Testimonies for the Church*, vol. 4, leq. 62. Bosebeletsi ke ha lerato le sebetsa. Re tlameha ho tsepamisa mikutlo sehlabelong sa Krete hore lerato le tsose bosebeletsi ba rona. Ntle ho sena, metheo ea lefatše e tjena: lehloeo leo khaitsele ea lona eleng borabele. Borabele e kaba ha lehloeo le sebetsa lucifera o ile a rabela khahlanong le Molimo (Ezek. 28:16, 17) 'me ha a na ho khaotsa ho etsa joalo ho fihlela a timetsoa. O ile a fetola matla a lerato, lerato la matla. Baetapele ba semoea Iseraele ba ile ba hloea matla le boholo ba Jesu (Mattheu 22:29). Leha ba baleha Tempele kapa ba ngala mahlo a Hae a bohale, h'a ba'ka ba fetola tsela tsa bona.

Lipotso Tsa Ho Qoqoa:

1. Tsepamisa maikutlo haholo tabeng ena ea lerato le bosebeletsi. Ellen G. White o bolelang ha kamora ho li bitsa mafahla, o re e mong ntle le e mong h'a “na thuso”? Lerato le shebahala joang ntle le bosebeletsi?, 'me bosebeletsi bo joang haho sena lerato? Ke hobaneng bobeli li tlameha ho ba 'moho?
2. Temana ea khopolo bekeng ena e baleha tjena: “Maruo ha a thuse letho mohla letsatsi la bohale, empa ho loka ho loela lefung. . . . Ea itšepisang maruo a hae o tla oa, empa ea lokileng o tla hola joaloka lekala le mahlaku.” (Liprov. 11:4, 28). Moelelo oa temana ee ke ofe? E reng ka maruo hape ke'ng eo e sa se chong?
3. Ka sehlopheng, qoqang ka bophelo ba Salemone. Ipotseng hore na ke joang a ka hlahlathelang hakalo. Sheba buka ea Moeklesia bakeng sa litemna tse thusang ho senola bofeela ba maruo a lefatše, le ha re kaba le oona ka matletse-tletse joaloka salemone. Ke sefe seo re ithutileng sona bekeng ee ka thapelo, ka boithuto ba Bible, le ka likamano le Krete tse ka re bolokang re le tseleng e nepahetseng semoeng?
4. Ke joang batho ba se nang matlotlo a mangata a lefatše le bona ba ka oelang lemeneng leo satane a chehileng ka lona?
5. Ke karabo efe eo u tllileng le eona potsong ea ho qetela ea LABORARO malebana le mefuta e fapaneng ea bohlale?